

Вольбы
до Народной рады Словенської республіки

Інформації про воліча

I

Датум і час волеб

Вольбы до Народной рады Словенської республіки будуть в суботу 29. 2. 2020 од 7:00 до 22:00 години.

II

Право волити

Право волити до Народной рады Словенської республіки мають обчан Словенської республіки, котрый найпізніше в день волеб досяг 18 років віку і не настав у нього конфлікт з правом волити.

Право волити є в конфлікті зо законным окліцінем особной слободы на основі охрани публічного здравя.

III

Право быти воленым

За посланця Народной рады Словенської республіки може быти зволений обчан Словенської республіки, котрый найпізніше в день волеб досяг 21 років віку і жыє на території Словенської республіки.

Конфліктом з правом быти воленым є:

- заарештованя,
- правоплатне одсуджіня за напланованый кримінальний чін, помы одсуджіня не было загладжено,
- однятя способности робити правны діла.

IV

Способ вольбы

Воліч може волити на території Словенської республіки:

- у волебнім раєні, в списку котрого є записаный, або
- в будькотрім волебнім раєні посередництвом легітімації на голосованя.

Воліч може волити мімо території Словенської республіки посередництвом пошты, кідь:

- місце ёго стабільного бываня не є на території Словенської республіки і був на основі жадости записаный до спеціального списку волічів,
- місце ёго стабільного бываня є на території Словенської республіки а в часі волеб ся стримує мімо ей території і право волити посередництвом пошты пожадать од села/міста, в котрім стабільно бывать.

V

Легітімація на голосованя

Воліч, котрый стабільно бывать на території Словенської республіки і в день волеб не буде мочи волити в місті свого стабільного бываня у волебнім раєні, де є записаный в списку волічів, може пожадати **од села/міста свого стабільного бываня** легітімацію на голосованя. Село/місто на пожаданя волічови выставить легітімацію на голосованя і вычаркне го зо списку волічів з позначков, же му выдало легітімацію на голосованя.

Легітімація на голосованя дає право на запис до списку волічів у будькотрім волебнім раєні.

Воліч може пожадати легітімацію на голосованя:

особно,

найпізніше в послідній робітний день перед вольбами (т. є. напізніше 28. 2. 2020) в урядных годинах села.

Село выдасть легітімацію на голосованя безодкладно,

у формі листины так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 10. 2. 2020),

електронічново поштов (і-мейлом) так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 10. 2. 2020). Село/місто про такы припады опублікує на своїм вебсайті електронічну адресу на посыланя жадостей. Кідь село/місто не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы факты о волічови:

- мено і призвіско,
- родне чісло,
- штатне обчанство,
- адреса стабільного бываня (село, улїця, чісло дому),
- адреса, на котру село/місто зажене легітімацію на голосованя.

посередництвом особы, уполномоченой жадателём

мож пожадати легітімацію на голосованя найпізніше послїдній день перед днём волеб (т. є. найпізніше 28. 2. 2020)

В жадости мусять быти уведжены такы факты о волічови:

- мено і призвіско,
- родне чісло,
- штатне обчанство,
- адреса стабільного бываня (село, улїця, чісло дому).

Село/місто зажене легітімацію на голосованя волічови на адресу стабільного бываня, кідь в жадости не уведе іншу корешпонденчну адресу, найпізніше до трёх робітных днів од доручїня жадости. Село зажене легітімацію на голосованя на адресу уведжену в жадости рекомандо-писмом „*До властных рук*“.

Кідь воліч в писомній або електронічній жадости уведе, же легітімацію на голосованя перебере інша особа, мусить в жадости увести ей мено, призвіско і чісло обчанської легітімації. Тота особа повинна перевзятя легітімації на голосованя потвердити своїм підписом.

VI

Вольба посередництвом пошты

Воліч, котрый має місце стабільного бываня на теріторії Словенської републікы а в часї волеб є мімо ей теріторії

Воліч, котрый має місце стабільного бываня на теріторії Словенської републікы а в часї волеб є мімо ей теріторії, може пожадати село свого стабільного бываня волити посередництвом пошты, а то писомно (формов писма),

жебы жадость волити посередництвом пошты была доручена на адресу села/міста (сільского або міського уряду) найпізніше 50 днів перед днём волеб (т. є. найпізніше 10. 1. 2020).

Жадость доручена по становленім часї є неплатна.

електронічно (і-мейлом) так,

жебы жадось волити посередництвом пошты была доручена на електронічну адресу села/міста найпізніше 50 днів перед днём волеб (т. є. найпізніше 10. 1. 2020).

Жадость доручена по становленім часї є неплатна.

В жадости волити посередництвом пошты мусять быти уведжены такы факты о волічови:

- мено і призвіско,
- родне чісло,
- адреса стабільного бываня,
- адреса міста бываня в заграничу.

Кідь жадость обягує вшытко, што становлює закон, село/місто зажене найпізніше 35 днів перед днём волеб волічови, котрый пожадав волити посереднитвом пошты, на адресу міста бываня в заграничу:

- копертку з уряднов печатков села/міста,
- листы на голосованя,
- корешпонденчну копертку (означену геслом: „VOLBA POŠTOU - ELECTION BY MAIL“ з выписанов адресов села як адресата і з адресов воліча як одосылателя,
- поучїня о способі голосованя.

Позад акту голосованя (подля поучїня о способі голосованя) вложить воліч лист на голосованя до копертки з уряднов печатков села і заліпить ей. Заліплену копертку вложить до корешпонденчной копертки, котру зажене назад. Поштовне заплатить одосылатель.

До выслїдку голосованя ся зарахують голосы на листах голосованя, котры были доручены селу стабільного бываня воліча найпізніше в послїдній робітный день перед днём волеб (т. є. найпізніше 28. 2. 2020).

Далшы інформації о вольбах до Народной рады Словенської републікы ся находят на вебсайті
www.minv.sk/?volby-nrsr